



何仲默先生詩集卷第五

關西李三才校

七言古詩

乞巧行

鵲橋崔魏河宛轉織女牽牛夜相見岳陽女兒迎七
夕乞巧樓高高百尺華燈明月光窈窕結綵蟠花綺
羅繞富家女兒恃嬌小年年乞巧不得巧貧家女兒
世所稀只爲他人縫嫁衣須臾露濕金剪刀雙星漸
沒河漸高人間天上兩迢迢步襪仙裙空寂寥君不
見古來巧拙何足語歲歲樓前競兒女

古松行

岳州地多古松樹千株萬株植官路故老猶能記歲
年行人不解知朝暮臨江西來煙霧起夾谷連山一
百望黛色寒通七澤雲秋聲夜捲三江水郡城之北
江水東鄂王祠廟丹青空英雄爲謨本宏遠古木至
今多烈風忠魂義魄杳何在故物依然見遺愛繁枝
百世人不翦直氣千尋我當拜六年前過蒲折城古
松陰中三日行空山倒挂雷雨黑盛夏常貯炎風清
郵亭傳舍總蕭瑟鬱抱煩襟亦飄逸迴巖峭壁奔洪
濤老蔓長藤翻白日只今復向巴丘道野草漸多松

漸少仄徑孤根半蝕苔夕陽幾樹空垂蔦昔時所見
合抱材斷枝落葉隨蒿萊過客山中想清籟行徒道
上愁黃埃輦山輿嶺萬千重半作豪家樓上棟古人
之力今人勞大廈明堂不得用年年官吏催斧斤故
老雖怒那敢嗔傍枝出地子成樹野婦山樵摧作薪
驛前數幹聊可數我忽見之再三撫霜皮露甲如此
蟠霧鬣煙鬟學龍舞陰生氣象凜猶昔翠色長標不
可侮荒林曠野識者稀終爲誰家起廊廡回首鄂廟
秋山阿廟前之樹無高柯鬼神訶護亦徒爾英靈不
返將如何達人且勿怨搖落志士胡爲傷輶軻君看

世事盡如此拔劍聽我松前歌

津市打魚歌

大船戔戔繫江岸鮎魴鱖收百萬小船取速不取
多往來拋網如擲梭野人無船住水滸織竹爲梁數
如罟夜來水長沒沙背津市家家有魚賣江邊酒樓
燕估客割鬻砍鱸不論百楚姬玉手揮霜刀雪花錯
落金盤高鄰家思婦清晨起買得蘭江一雙鯉篔簹
紅尾三尺長操戈具案不忍傷呼童放鯉漈波去寄
我素書向郎處

偏橋行

城頭日出一丈五偏橋長官來擊鼓山南野苗聚如
雨饑向民家食生牯三尺竹箭七尺弩朝出射人夜
射虎砦中無房亦無堵男解蠻歌女解舞千人萬人
爲一戶殺血祈神暗乞蠱沙蒸水毒草根苦上山下
山那敢戲蠢爾苗民爾毋侮虞庭兩階列干羽

省中公讌

今日何日公讌會紫薇垣下填車蓋總戎太監爭邀
呼御史中丞立相待坐花饌王綺席陳愧我何能居
上賓勸酬盡是文武士列坐俱爲藩臬臣廣堂潭潭
長百武堂前搥鍾復搥鼓擊石彈絲逐橫吹清歌緩

節隨輕舞酒闌起酌明燭前橫金鳴玉聲珊珊交衢
夾道燈火亂仰看月出樓臺間諸公豪俊世稀有協
恭同寅重邊守幸時夷方不用兵簿書之暇得飲酒
只今天子布洪仁九州四海俱同春清風想見唐
虞出玉座欣瞻日月新諸公於此復何慮矢志盟心
思致身

盤江行

四山壁立色如赭盤江橫流絕壁下驚濤赴壑奔萬
牛峻坂懸空容一馬危叢古樹何陰森尋常行客誰
敢臨徃婦清晨出深洞虎辟白晝行空林沉潭之西

多巨石短棹輕舟安可適日光射壁蠻煙黃雨氣蒸
江瘴波赤土人行泣向我云此地前年曾敗軍守臣
祇知需貨利將士欲苟圖功勳英雄謨策自有術竄
婦奸男何足論雲中鼓角連雲起陣前臨山後臨水
烹龍醜酒日酣樂傳箭遺弓尚驚喜戰馬俱爲山下
塵征夫盡向江中死遂令狐豕成其雄屠邊下砦轉
相攻千家萬家雞犬盡十城五城煙火空夕陽愁向
盤江道黃蒿離離白骨稿魂入秋空結怨雲血染春
原長冤草只今夷虜來歸王高墩短塹俱已荒牧童
驅羊上坐塚田父牽牛畊戰場惟有行人行歎息聞

說盤江淚霑臆

太石關行

青山千仞城百尺雲中嵯峩列萬石關門控險鐵不
如萬人可望不可踰蠻兵一朝殺關吏驅馬入關履
平地山頭矛戟多於草弩箭射甲如射縞當關祇用
一夫力胡為萬卒猶難保君不見山上城堞毀樓傾
四壁立青狸蒼兕朝對啼白蒿黃雲暮愁入

樓鳳亭 為黔國賦

將軍園中何所蓄十尺亭子四面竹亭中一榻千卷
書將軍晝遊夜還宿元勳甲第高入雲竒珍異玩窮

海陸將軍雅性不苟嗜只愛亭邊萬竿綠舊家風節
傳累世見此勝如見喬木根株盤據幾十年出地皆
成老龍骨舊幹扶踈已作林新稍復見高於屋新稍
舊幹森相向百丈空雲寒突兀先公開圃一何勤引
水分畦費營築石間斲雨移紫瓊沙上畊煙長青王
至今遺愛思萊公萬古看詩想淇澳將軍能武兼能
文展卷一目數行讀只今世守清白操春風如溫霜
如肅閒時高臥園之中此君亭亭對幽獨月軒夜坐
呈夏簟風榭涼憑除暑服空冥縹緲聞笙竽戶牖清
虛映籤軸崑池歌動黃鵠高洞庭笛橫白雲哭瑤瑟

一鼓瀟湘亭水綃再寫簷管谷憶昨路經嶺徼來佳
植全稀多樸遼山深苦竹啼鷓鴣地僻枯篁宿麋鹿
何期得到將軍園一洗胸中十年俗清晨邀我促席
看半日捲簾猶不足我聞竹生王河湄開花結實鳳
凰啄將軍文采真鳳凰凡樹安能動高目願將音響
入簫韶奏我亭中棲鳳曲

黃陵廟

黃陵峽中灘水多黃陵廟下難經過峩峩巨舸牽百
丈檣折檣摧不得上江風蕭颯笳鼓哀廟門遙向楓
林開往來落帆泊江口俎牲祝神醴神酒南船下峽
浪迷三巴千里舟中坐超忽回首天西斷心骨

太梁行

朝登古城口夕藉古城草日落獨見長河流塵起遙
觀大梁道大梁自古號名區富貴繁華代不殊高樓
歌舞三千戶夾道煙花十二衢合沓輪驟交紫陌鳴
鐘暮入王侯宅紅粒不讓掌中人珠履皆爲門下客
片言立賜萬黃金一笑還酬雙白壁帶甲連營殺氣
寒君王推轂將登壇彎弧自信成功易拔劍那知報
怨難已見分符連楚越更聞飛檄救邯鄲一朝運夫

何仲黑言集 卷之五
同衰賤意氣雄豪侶驚電楊花飛入侯嬴館草色淒
迷魏王殿萬騎千乘空雲屯綺構朱甍不復存夜雨
人歸朱亥里秋風客散信陵門川原百代重回首宋
寢隋宮亦何有遊鹿時街內死花行人尚折繁臺柳
繁臺下接古城西春深桃李自成蹊朝來忽見東風
起薄暮飛花滿故堤

蔡州行

蔡州城高高且壯四十年間兵不向旌旗忽乘雨雪
入一夜開門納兵仗請降盡是迴曲軍拒戰不覩牙
城將韃橐將軍拜道左緋衣小兒來天上州人始識

裴丞相

流螢篇

廣儲六月清無暑流螢暗逐薰風舉始見昏連萬戶
星更看夜照千門雨千門萬戶競高低拂檻縈廊亂
復齊碧莎映水光初迴綠柳棲煙影乍迷水光煙影
飛還歇肯使炎精易淪滅帶火終須避太陽含輝却
自親流月長信宮中一葉秋玉塔金閣見螢流貴嬪
羅扇開香篋侍女珠簾捲畫樓誰家怨婦縫縑素當
牕忽見流螢度蟋蟀牀空寶瑟寒鴛鴦機暗孤燈暮
螢飛螢度自年年却笑明珠按劍前莫言腐草無生

何陋言集 卷五
意莫道寒灰不再燃
遷將斥鷃鷓鴣語
三復莊生第一篇

觀漲

五月十日雨如射
西山諸溪水皆下
大陸朝迷牛馬羣
疾雷夜破蛟龍罅
洪濤冥冥夕風急
白浪閃閃山水亞
浮波噴沫來崔巍
巨丘已沒高岸頽
咫尺莫辯天宇濶
倉卒但憂坤軸摧
固知一葦不可濟
雖有萬弩何由迴
農家夜起築隄障
婦女走觀色沮喪
惡少迎人爭渡喧
父老携幼登城望
門前祇訝海勢翻
井中暗覺潮聲上
憶昨曾爲萬里行
洞庭灩澦瀕何渺冥

鯨吞鰲橫那可測
盤渦駭波誰能平
只今夢寐時作惡
聞此中夜令人驚
旋看雨霽勢亦止
沙嘴忽落千尺水
雜花濛濛夏壩靜
細草青青夕洲靡
行人褰裳掇菱苳
稚子垂竿取魴鯉
眼前喜愕俱已忘
就中消息誰爲此

寄贈張方伯

君侯風神有奇格
秀髯方瞳兼廣額
少年甲第已崢嶸
壯歲功名更輝赫
長淮之西古蔡州
我侯清風千載流行
人尚聞歌叔度童子
猶思迎細侯出叅方岳
聲雷動復道中州
又棲鳳大省才賢豈
易推巨卿名

何仙詩集 卷之五
位由來重黃河清洛靜風埃少室喬嵩雲霧開行見
虞庭咨岳典共看商室濟川材憶昔別公汝水上太
行西來隔千嶂抱病還依故里居有懷高向夷門望
夷門道接大梁東車輪日日度春風道傍爲問南來
使早晚朝端召寇公

木槿花歌

朝見花開幕見落人生翻覆亦相若夜來白露灑園
藿已是繁華不如明朝花枝上鬪綽約暮花辭枝竟
何託持花爲謝青樓女鏡裏容華不待汝

聽琴篇

美人橫琴坐我堂酒闌爲鼓三四行燈孤月明客不
發絃悲調急秋夜長吾家瑤琴久不拭金徽玉軫無
顏色感君對此如有情一彈使我三歎息樵歌響答
山澗幽楚歌慷慨雲夜愁瀟湘猗蘭稍平逸四座但
覺清商流始聞白雪停翠竹烈飈吹我溪上屋忽然
翻作廣寒遊知是霓裳羽衣曲含宮移羽何春容冷
冷萬壑吟風松煙岑一夕怨鳴鶴江天何處驚蟠龍
我初好音惟好此橫笛短簫徒聒耳平生頗抱鍾期
懷四海難逢伯牙子今夕何夕願不違爲君擊節淚
沾衣高歌雅和人世稀河轉參橫君莫歸

觀打魚東坡韻

大魚跳波如擲塊溪日溶溶照金背小魚呬沫沿岸
行潛向沙邊翻荇帶家僮舉網欣得鮮持向庖丁割
爲鱠磁甕始見紅尾搖霜月旋看錦鮮碎我雖愛此
不忍食悔不先教放溪瀨自愛舍生天地間寧知失
意波濤外嗟哉小物尚有然人間得喪誰能會君不
見鯤與鯨釣者持綸空爾思倏忽乘雲下滄海

孤鴈篇

孤鴈北來來幾時窮冬無侶鳴聲悲雲長路渺去安
極日暮天寒飛更遲洞天瀟湘落秋水苦竹黃蘆一

千里清怨時從鳴笛生斷行暮逐哀箏起塵沙關塞
愁轉蓬隨風且落江湖中微軀幸免庖人俎短翮長
辭獵士弓君不見隴山鸚鵡解人語一生自恨黃金
籠

北風行

古申城邊秋風落北風慘慘夜復作玄冬煙霧卷寒
沙白晝雷霆出陰壑寒沙陰壑晝難開萬里悲風何
壯哉高空落木下不止長路斷蓬吹更迴巖威著地
坤維裂鷹隼入谷龍蛇結寒雲凍月光杳冥荒臺古
林氣慄冽郭西村舍雖近城蕭條盡日無人行門前

但聞衰柳折牆外，祗聽枯桑鳴鄰翁。歲暮缺衣褐，茅屋欹斜用繩縛。塵生金甌暗不掃，寒入肌膚利如割。堂上書生感歲侵，臨風三歎不成吟。暮花飄揚不可見，病葉憔悴傷人心。出門黯澹天無色，衝飈四來山爲黑。黃河欲渡波浪陰，滄海無梁星斗仄。嚴霜大雪來幾時，葳蕤朱鳳號南極。

雨夕行

城頭雨脚黑不斷，塔下凍潦流已滿。出門咫尺無所適，積霧連雲接平坂。城中佳人沈與趙，我忽思之費招挽。趙子閉門卧不出，沈生衝泥來獨晚。臨塔下馬

入我堂，琅琅高詠不可忘。瑤徽浮塵爲我拭，磁甕濁酒爲我嘗。西鄰彭生亦豪士，四壁風雨卧一牀。隔牆深夜呼，即至三人圍。坐傾壺觴，須臾簷雨亂。沾席牕風瀟蕭動，煙栢照夜青。缸寒向人促，曙紅鑪暖留客。請君再歌我擊節，晨雞已下西城陌。嗚呼！人生歡樂難再來，古人滿眼俱塵埃。何況與子異鄉域，此地相逢能幾迴。

白雪篇

玄飈作雪龍，沙窟萬里吹。花度南麓千門九衢，堆已遍翠崖。丹壑沾應足，曙輝寒素積。崔巍中天照耀瓊

何仲異詩集 卷五
瑤臺羲和不知六龍在仙人遙乘萬鶴來依樓傍檻
墜深院輕羅白紵誰曾見已將弱舞鬪迴風未遣明
姿讓流霞城中車馬不動塵党家金帳暖圍春豈知
窮巷衡門裏亦有當時高卧人

雨雪呈望之

北風蕭蕭天雨雪洪川大陸水嶙峋城闔咫尺不可
越念子鬱鬱傷我神十年骨肉更知己四海兄弟今
何人夫子流風本絕世致身况在萬里津頃聆清辭
叩哀王復睹高價收名珍愚弟病歸卧丘壑山中日
與蓬蒿親喜看結駟來天上又許題詩到水濱嗟哉
十日不一見眼底勝會真難頻茅簷白日苦太短祇
有長夜堪留賓瓦鑪木檠亦不惡梅花栢葉俱鮮新
只須對此共歌笑莫使離別成逡巡

寶劍篇

戴仲鵬將赴春官來別何子何子作寶劍篇贈之其
辭曰

我有雙龍之寶劍重之不减雙吳鈎雄遊九天橫素
秋雌鳴匣中聲啁啾扶風豪士邯鄲俠千金在傍不
敢酬雪花星文照玉玦贈汝慰我心所求汝今年纔
二十四北上長安見天子手翳鳳凰跨騏驎肝膽

意氣無與比杏花江頭春風起綠袍青綬帶秋水想
見提携白日前更看結佩青雲裏我初鑄此良已勞
昆吾鐵冶風雷號寶鞘玉珥黃金錯何以繫之赤錦
繚砍地翻虞滄溟倒倚天未覺虹蜺高十年在匣尚
未試常恐棄置成鉛刀君不見豐城紫氛埋古獄星
辰夜搖魍魎哭奇噐逢人自有時肯使塵沙竟湮沒
又不見藍田寶山空突兀頑石却指神鋒禿平生雖
有百煉鋼一用不謹爲棄物吁嗟戴生爾無忽

寄王臧方

故人王郎天上客一歲寄言凡兩束山中病夫儔侶

稀念子不見心轉鬱長淮迥高河無梁我無羽翼到
爾傍京師南來四千里春鴻秋鴈每相望

寄李空同

黃河臘月水十丈縱有鯉魚那得上楚天鴻鴈避霜
雪未得逢春難北向康王城邊沙草曛梁王臺上多
暮雲野人歲晚誰相對桐栢山中空憶君

歲晏行

舊歲已晏新歲逼山城雪飛北風烈徃夫河邊行且
哭沙寒水冰凍傷骨長官斗號吏馳突府帖連催築
河卒一年徵求不少蠲貧家賣男富賣田白金縱有

非地產一兩已值千銅錢往時人家有儲粟今歲人
家飯不足饑鶴翻飛不畏人老鴉鳴噪日近屋生男
長成聚比隣生女落地思嫁人官家私家各有務百
歲豈止療一身近聞狐兔亦徵及列網持矰徧山域
野人知田不知獵蓬矢桑弓射不得嗟吁今昔豈異
情昔時新年歌滿城明朝亦是新年到北舍東隣聞
哭聲

入京篇

軒車若水流官闕似雲霧畿甸一千里山河十二州
城中甲第共崔巍別起一臺接露臺旭日纔臨萬戶

動飛塵遙見九關開九關雞鳴競車馬百僚已集金
門下入衛皆爲龍虎軍不朝盡是貂蟬者天子乘
春覽物華蜺旌羽扇五云車六龍不駐千官仗匹騎
常過七貴家七貴家連城裏轉日薰天勢無比池
榭春來錦繡圍樓臺日昔歌鐘起復有蒙恩過董仇
執柄持權得自由不使府中除將相直教門下謁王
侯王侯貴人慕豪富意氣相看益驕妬未惜朱閑驥裏駒
豈論金谷珊瑚樹托身日月有光輝舉翼風雲多會
遇可憐漢室盛衣冠揚雄蓬巷獨饑寒終歲校書空
閉閣十年執戟不遷官公孫射策取卿相李廣馮唐

徒自歎

嫦娥圖

月宮峩峩冷光射桂樹長生花不謝玉宇瓊樓閉早
秋金蟾銀兔啼寒夜夜寒露下瑤臺步羅襪仙裾冉
冉來屏障乍開雲母隔簾櫳遙望水精開明星迢渺
斜銀漢誰擬丰神傳素練霓裳羽衣世莫聞霧髮雪
貌人難見靈藥空疑后羿妻吹簫跨鶴幾人迷君欲
遨遊廣寒殿直攀萬丈青雲梯

胡生行

近時逢人論術數胡生相法稱獨步閉戶時看人相

篇燃燈夜讀石室賦吾觀此術非荒唐異人歷代各
有長我朝名家亦不少神妙無過袁柳莊君學本
從袁氏出識鑒至今如畫一爲客十年凡幾更閱人
四海無一失初從燕市度生涯一日聲譽傳京華衣
冠每動公卿座車馬爭迎貴戚家自從仗劍離京城
當時朝士無相識已往豪華不可論只今形貌猶能
憶漂泊江湖不自伸袖中書在半埃塵窮途反遭俗
眼士末路難逢好事人昔聞燕邸招藝匠袁生抱術
金門上文皇自有天子鬚群臣盡是封侯相君
臣千載當一時雅鑒風神猶在茲才殊未得尋常待

數偶還教際會奇古來相心不相體眼前貧賤那能
擬志士翻居草澤中貴人多在塵埃裏胡生爲我顏
色奇顧我已 是雲壑姿希夷不識錢若水麻衣道士
應當知

歸來篇

君不見陶公飲酒負奇氣平生下筆五千字不肯上
書干明主安能束帶見小吏歸來不願千頃田但願
囊中有酒錢男兒委身事權貴摧眉折腰誠可憐朱
君雄豪氣如虎風期直與陶公伍青袍銀帶不復視
壯年棄官如棄土雅性好酒兼好文眼中富貴豈足
論五花換酒召賓客千金買書遺子孫人生百歲終
蕭索如子從容胡不樂未侶表生少宿儲却比蘇家
多負郭長安陌上久離群予亦還山卧白雲南巖桂
樹花自發歲晚相看一望君

雪中宴李揮使宅

四郊飛雪暗高城北風怒號天杳冥將軍宅中畫擊
鼓哀箏鳴笛羅維後庭我時凍吟在西野忽見將軍送
書者開書讀罷喜即行邀我入門方下馬凝輝絢素
開簾櫳流風迴霞滿堂中青氍帳高雪不濕蘭燈夜
照氍毹紅卿家父子皆好客南樓對雪歡今夕已看

稱壽奉千金况復徵歌出雙壁梁園賓客多交游謝
家兄弟盡風流古人勝事長已矣吾輩優游亦爾儔

鴻門行

沛公昔日分義軍旌旗十萬西入秦山東諸侯皆後
至咸陽萬姓思爲臣項王東來怒如虎置酒朝會鴻
門下門前壯士擁盾入座上小臣拔劍舞爭雄較勝
未可量相看杯酒成倉皇揮刀醉擊玉斗碎攬帶空
懸寶玦光沙丘城邊祖龍死芒碭山旁匿天子澤中
夜聞白蛇斷霸上朝看赤雲起君不見劉郎供帳出
秦宮宮中火照三月紅英雄爲謨自有術亞父徒知

殺沛公

垓下行

咸陽原上失秦鹿戍夫入關競馳逐君王自負十尺
軀傍人更訝重瞳目橫行按劍一何威叱咤四海隨
指揮諸侯西向受金印壯士東歸盡錦衣陰陵道上
夜失援垓下孤軍獨迎戰百萬王師起震天八千子
弟隨飛電自言百戰當一身寧知一敗損威神美人
帳下看無主駿馬江邊棄與人楚歌聲高暮雲佇孤
燈對酒慘不語蓋世英雄力拔山一夕悲哀淚如雨
君不見三軍縞素行負戈烏江不渡愁風波古來失

何仲男詩集 卷五
道衆所棄父老誰憐將柰何

長歌行贈旺兄

兄爲吾祖之長孫能將孝義持家門耕鑿不隨時俗
改衣冠頗有古風存我家東岡舊鄉土穀有田塲桑
有圃諸弟誼譁逐城市兄也蕭條守環堵僕童馴雅
妻更良男女膝下皆成行女長適人止近里男大爲
農不出鄉只今汝年六十七我翁爲叔汝爲姪歲時
相看如父子登堂過庭禮不失弟昔省兄盡君歡夜
秉燈燭羅杯盤兄前勸飲嫂勸餐畱我一月相盤桓
自從離兄仕都下都城誰是悠悠者萬戶清晨霜滿

表九衢白晝塵隨馬朱門金鎖午未開我曹不敢騎
馬回此時吾兄正穩卧日高戶外無人催愛兄好靜
謝塵網一卷道書常在掌托身未肯附年少舉手何
曾揖官長頃來生事日看微種麻自織身上衣少兒
從學長幹蠱我兄心中無是非君不見人間歲月坐
相迫胡爲東城復南陌兄今已作白頭翁弟亦長辭
青瑣客山中桂樹况逢春谷口桃花更照人花前樹
下一壺酒弟勸兄酬不畏貧

短歌行贈賈西谷

城西草堂日無事廣文先生騎馬至先生雅性嗜林

壑爲愛吾廬有幽意長溪風起寒日冥晚雲含白冬
樹青山城沽酒不易得爲爾且繫雙銀瓶先生好吟
近頗酷手書佳句况盈軸燈前朗詠三十篇一一微
音中金玉顧予踈陋非良儔感君過野常優游城中
豈無萬戶侯金盤玉饌不少留從來富貴安足慕水
上浮雲草頭露君不見賈生自負洛陽才南遷且作
長沙傳

漢將篇

漢家西北煙塵起烽火夜照西京裏胡虜奔騰一萬
騎關塞逶迤五千里飛符插羽募精強連營列陣掃

邊疆已見將軍屯細柳更聞天子獵長楊長楊羽獵
兵威振疊鼓鳴鉦聞遠近龍虎遙分天上軍魚蛇徧
閱雲中陣長安驄馬俠少年金鞍玉轡鐵連錢共看
拔劍追驕子自許彎弓射左賢驚風盡起邊沙漲踈
勒黃雲迷所向飲馬寒臨月窟傍驅兵夜度天山上
降旗欵節樹戎城卷旆迴旌入帝京征人半死龍庭
戰壯士俱標麟閣名麟閣功名不易得貴臣良相徒
顏色威胡盡道李飛將還漢誰言蘇屬國王門關外
朔雲愁燕頷書生亦白頭君王自憶廉頗輩義士羞
稱萬戶侯

孤鶴篇

我家孤鶴李侯贈霜儀皎潔三尺高向人侶矜短羽
翼失侶豈免長呼號赤霄青雲暮延佇天長路遠飛
不去日來秋塘啄苦蕒時向空墻倚脩樹憶昔初在
山人家雌雄和鳴閑且嘉夜寒對舞庭中月日暮雙
棲嶺上霞李侯平生重幽德致此遠自東吳國金權
玉檻脫相送異種竒毛惜不得一自天涯失舊行垂
頭戢羽空徬徨朝聞橫笛音相和夕對鳴絃影自傷
荒堦雨濕多泥滓毛翮摧頽風不起奮迅那推一鶚
先昂藏且在羣雞裏吁嗟人世是還非華表千年更

一歸蓬萊宮內青瑤樹會接文鵷比翼飛

冬雨歎三首

季冬十日雨不絕寒煙凍霧何淒淒城頭無由見白
日坂下祗是愁黃泥鄉中餓叟納官賦白頭赤腳行
中路薄暮臨河望郡城水深岸滑何由渡

其二

一冬枯槁雪不集細雨冥冥高岸濕天邊鴻鴈安所
歸歲晚蛟龍不得螿昨聞汝北多死亾橫尸委骨官
道傍我里四鄰久已出到今不知死何鄉

其三

西望千峯萬峯連出門朝暮生雲煙日傍雨脚下平
地風外濤頭衝遠天急颺北迴振林薄白晝狐狸行
近郭城下饑鳥啄死人蒼鷹側來怒相攫

懷舊吟贈阮世隆

君家萬樓對芳樹開宴會留三日住銅槃絳蠟暖照
春金壺銀漏寒催曙知君重義多豪游滿門賓客爲
我畱珊瑚不避鐵如意驕驕皆纏金絡頭爾時北上
與君別蔡州城外花如雪夢裏猶尋汝上雲醉中却
憶淮西月丈夫富貴各有因如君立身亦不辟行年
四十未白髮生兒十八期青雲君從秋日遙分手我

向東風一回首山下長舉舊薜蘿樓前應長春楊柳

官倉行

長棘周袤三丈垣高門鐵鎖緘兩關黃鬚碧衫下厥
吏白版朱書十行字帳前喧呼朝不休剪旌分隊聽
唱籌富家得粟堆如丘大車檻檻服兩牛鄉間餓夫
立墻下稍欲近前遭吏罵

除夕醉歌二首

今歲相逢惟此夕美人金罇莫虛擲千金一刻真可
惜夜久衾帷望河漢寒星欲沒明燈爛長歌坐待東
方旦

其二

孤城歲徂歎幽獨舉觴醉飲城西曲野風蕭條山雪
暮寒梅無花柳難綠今年今日不可留明日明年更
可愁山中縱有如澗酒春花爛熳與誰遊

五馬行

使君五馬來月氏方曠夾鏡光離離長身峻耳高七
尺錦雲罕地玉花赤杏鞵蹙鍙雙盤龍文羈翠刻金
玲瓏青絲遊韁縮不住鐵色蹄翻錦苔地天閑沙苑
貯幾時一朝分賜使君騎使君行春常露冕緩鞚張
油下山縣朱文露網動輕車四野人家望通憶去年

來時楚江秋長鞭馳過黃鶴樓楚城駿馬千萬匹解
鞍坐視不敢傳今年朝天入五鳳紅纓寶玦連錢重
曉隨鸞聲撼玉珂九陌風微塵不動天子命下巡
吾州輝光重整金絡頭吁嗟吾州本狹促迳徑寧當
千里足行行前駕肅且閑郡人遙望雙旌竿馳道父
老應開顏區區孤豕誰敢前桑條吐葉青鬱鬱滿路
春塵繞車轂使君不惜驅馳勞無令暴吏登民屋出
門一送五馬行我馬踟蹰皆不鳴相逢同是他鄉客
惆悵城邊暮春別山亭草色細雨時野館梨花寒食
節夕陽微微鄴城樹寒烟漠漠淮川月願言努力策

霜蹄千金重有登臺期

畫馬行

畫馬如畫龍縱橫變化當無窮吾觀月山子落筆窺
神工曾向天閑貌十馬十馬意態無一同此馬傳來
幾百年古絹猶開沙漠風樹裏河流新過雨簇簇草
芽寒刺水圍人雙牽臨水邊草色離離亂雲綺令人
疑到渥洼傍波底風雷鬪龍子細看不是白鼻騮恐
是當朝獅子花紫燕織離各惆悵其餘駑劣何足誇
憶昔愛馬不惜千金貨君王勤政樓頭坐胡奴黃衫
雙繡靴廐中騎出樓前過紅帕初籠汗血香玉鞭輕

拂桃花破吁嗟玩物竟何益遺跡徒使丹青播只今
烽砲西北來沙場未聞千里才千里才固有時回頭
爲問御者誰君看赤驥與騏驎挽車太行嶺心期田
子方踟躕駕轅頃霜凋首荷漢郊冷骨折秋風自嘶
影君不見古人養馬如養士一飽能酬千里志今人
養馬如養豚廐下常堆蒺藜刺古之良馬何代無可
笑今人空按圖

古愚翁挽詞

古龍啾啾啼劍井井底秋泉七星冷漪瀾堂上瑟不
鳴悽調空懷金石聲劍亦不復得瑟亦不復聞悠悠

何處尋封君何處尋封君
林壑幽魂風雨黑
鋤山崔嵬暮峯影
吳江慘澹秋波色
江之南山之北松梧幾
樹封君宅來往徘徊歎行客

畫鶴篇

昔聞少保寫青田古墨千年人不傳
郎君此幅何時得蕭颯秋堂掃煙色
雪翎風翼如有神萬里出海誰能馴
我初見此鳥重是仙人禽朝飲玉河湄
暮宿玄圃林回首寒江鳧與鴈日晚哀鳴羨霄漢

赤壁圖

老瞞橫槩江之臯眼中吳越一秋毫
吳人殼弩來江左江頭鳴笳畫舉火
旌旗飄揚北風前舳艫化作江中煙
英雄一去音塵滅斷水殘山弔詞客
白雪堂寒草煙暮黃泥坂下臨臯路
酒酣喚客吹玉簫江風山月不待招
昔時霸業那足數鶴夢悠悠千古回首
東坡百世人圖畫蒼茫空有神

畫山水

蜀溪繭紙明如練并州剪刀碧雲斷
泥金作繪誰所爲華堂粉壁光凌亂
枳花竹葉春江曲江頭無人水空綠
逶迤石逕林中出草碧沙明淨江日欲覓秦人
武陵下不見溪邊種桃者高樓窈窕山霧只疑行

盡瀟湘路瀟湘却憶舊時遊紙上少以生暮愁

憶昔行

我年十一十二餘與子握手相懽娛嚴君視我猶視
子日向庭前問詩禮我亦視君如弟兄夜入同衾晝
同起當時見子已不群紅顏如玉目有神花邊燦燦
丹鳳雛天上矯矯石麒麟笑予是時尚垂髻把筆從
君弄文翰聯翩白馬控雙御出入城中誰不看我當
辭歸君失懽徘徊欲別良獨難別來有懷徒悵望
繞秋風沁水寒杳杳雲鴻異鄉縣十載長安見君面
昔別未冠今已婚回憶少年空歎羨一官碌碌經三

春二十光陰似飛電君有長才未得施卧龍儀鳳猶
棲遲男兒成名在少壯感會風雲須及時人生聚會
豈常有但願相知不相負君不見古來金石交結髮
寸心期白首

何仲默先生詩集卷第五



卷之三